



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 19. Russi convertuntur.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Constantinopolim reversus Deum oravit, Sæculum IX.  
 ne se ex hac vita eriperet, priusquam A. C. 871.  
 Chrysocheris caput tribus telis perforasset. 6. 41.  
 Voti damnatur anno sequente; 6. 42.  
 nam cum exercitus ejus pars in Manichæos irrupisset, edito militari clamore:  
*Sancta Crux vincit*, hostis profligatur  
 & Chrysocheris ex acie fugiens interficitur. Mittitur postea occisi caput ad  
 Imperatorem, cui nihil facilius fuit, quam illud tribus sagittis trajicere & sic voto  
 suo satisfacere. Manichæi hoc bello debilitati quidem, sed non contriti sunt.

## §. XIX.

*Convertuntur Russi.*

Sub idem tempus, nimirum, imperante  
 Basilio, & Ignatio Sedem Constantinopolitanam tenente, Russi convertuntur,  
 Gens ferox & impia, cujus crudelitatem Græci sub Imperatore Michaelē  
 experiri cœperant. Hos Basilius missis *Const. in*  
 plurimis muneribus ex auro, argento, & *Basil. 96.*  
 serico sibi conciliatos ad fœdera ineunda *Sup. Lib. L.*  
 invitavit; mox pace firmata, permisit, *§. 11.*  
 ut baptizarentur, & Archiepiscopum ab  
 Ignatio Patriarcha ordinatum reciperent. Cum ille ad Russos pervenisset,  
 sequente miraculo fidem & auctoritatem sibi comparasse fertur. Russorum  
 Princeps totius nationis Comitia convocaverat, sedebat ipse & Seniores, Princi-  
*Hist. Ecclesiast. Tom. XII. L. l pi*

Sæculum IX. pi a consiliis, superstitionis a Majoribus  
A C. 871. acceptæ tenacissimi, & deliberabant, an  
 ea relicta Religionem Christianam sequi  
 expediret. Advocato in cœtum suum  
 Archiepiscopo interrogant, quam do-  
 ctrinam afferret. Ille ostendens librum  
 Evangelii, aliquot miracula a Jesu Chri-  
 sto patrata, & etiam non nulla ex Ve-  
 teri Testamento enarrat. Respondent  
 Russi: *Nisi ejusmodi miracula videri-*  
*mus, forsan tale, quale nobis de tribus*  
*pueris in fornace retulisti, benevolos au-*  
*ditores non habebis.* Archiepiscopus di-  
 xit: *Quamquam non licet tentare Deum,*  
*nihilominus, si serio ad eum vultis ac-*  
*cedere, petite, quodcunque volueritis;*  
*idque propter fidem vestram fiet, etiam si*  
*nos tanto beneficio indigni simus.* Pe-  
 tunt ipsi, ut ille ipse liber, quem Archi-  
 episcopus manu tenebat, in rogam ac-  
 censum projiceretur, promittentes, cre-  
 dituros se, si non combureretur. Archi-  
 episcopus levatis in Cælum oculis ma-  
 nibusque ait: *Domine Jesu! ostende*  
*gloriam Nominis tui populo isti.* Mox-  
 que in flammam conjicitur Evangelii Li-  
 ber, cunctis per complures horas rei e-  
 ventum expectantibus. Tandem extin-  
 guunt ignem, & Liber illæsus, ne qui-  
 dem adustis extremis partibus aut vi-  
 culis solutis extrahitur. Barbari atto-  
 nitis

nitis similes adstant, & tanto prodigiosæ æculum IX.  
excitati Baptismum petunt. A. C. 871.

## §. XX.

*Photius querulans.*

Interea Photius exul & captivus data ad *Epist. 97.*  
Basilium Epistola querelas effudit in  
hunc modum: *Audi me, Auguste, clem-*  
*mentissime Princeps! non jam te mora-*  
*bor, revocando tibi in memoriam vete-*  
*rem nostram amicitiam, nec promissa, nec*  
*juramenta tua terrifica, nec Sacram un-*  
*ctionem, nec coronam tuam, nec Sacra*  
*Mysteria, quæ de manibus meis accepisti,*  
*nec adoptionem spiritualem filii tui; hæc*  
*omnia silentio prætereo, sed solum illud,*  
*quod jura communia humanitatis nemini*  
*denegant, a te spero, petoque. Omnes*  
*Græci, Barbarique vitam illis adimunt,*  
*quos morte dignos putant, & condemnant;*  
*quos vero vivere sinunt, non eos fame*  
*& sexcentis aliis cruciatibus lente mori*  
*compellunt. At ego vitam dego ipsa*  
*morte tristiore, captivus, rebus omni-*  
*bus spoliatus, propinquorum, amicorum,*  
*servulorum, & omni humano auxilio de-*  
*stitutus. Attamen, cum Divinus Pau-*  
*lus (\*) vinctus traberetur, amici solatium*  
*afferre non probibebantur, & quamvis*

L 1 2 duce-

(\*) En, alterum Sanctum Paulum Apo-  
stolum!